

1796

232.9

u-51

1884

ԱՄԻՆ ՔՐԻՍՏՈՆԵԱՅ

ՔՐԻՍՏՈՍԻ ԳՈՐԾԱԽՈՐ



معارف عمومیہ نظارت جلیلہ سنک رخصتیلہ
Հրահանատու Մեղրէֆէ

Կ. ՊՈԼԻՍ
ՏՊԱԳՐՈՒԹԻՒՆ Գ. ՊԱՂՏԱՏՆԵԱՆ
(ԱՐԱՐԵԱՆ)

1884

232.9

Ա-51



2010

ԱՄԷՆ ՔՐԻՍՏՈՆԵԱՅ ՔՐԻՍՏՈՍԻ

ԳՈՐԾԱԽՈՐ

Սիրելի ընթերցող, այս փոքրիկ տետրակը կարդալէ առաջ ներէ ինձ հետագայ մի քանի կարեւոր հարցումներն ուղղել քեզ:

Պօղոս առաքեալ կը սորվեցունէ թէ, եթէ մարդ մը կը կոչէ զինք Քրիստոնեայ եւ չունի Քրիստոսի հոգին, անորը չէ (Հռոմ. Բ. 9): Կը յորդորէ Հռոմի Քրիստոնեաներն հագնիլ զՔրիստոս (Հռոմ. ԺԳ. 14): Եւ Կողոսացոց թղթոյն մէջ (Գ. 3) կ'ըսէ թէ, Քրիստոնէին հոգեւոր կեանքը պահուած է Քրիստոսով յԱստուած: Ուստի կը հարցունեմ, կը դաւանի՞ս թէ Քրիստոնեայ ես, եւ Քրիստոսի եւ անոր եկեղեցւոյն ծառայ: Ունի՞ս Քրիստոսի հոգին: Հագած ես զՔրիստոս: Քրիստոս կ'ապրի՞ ի քեզ: Կեանք-


2001

քըզ Բրիտանոսով պահուած է յԱստ-
ուած :

Այս հարցմունք, թէպէտ կը թուին
տարբեր, ունին սակայն նոյն իմաստը :

Մեծագոյն գործուն Սատուած է :
Աստուծոյ որդիներն ստեղծուած են
անոր պատկերին և նմանութեանը
պէս, ուրեմն անոնց բնութիւնը և
փափաքն է բարի գործել : Յիսուս ը-
սաւ Հրէից . «Իմ Հայրս մինչեւ ցայժմ
կը գործէ, ես ևս կը գործեմ : (Յով.
Ե. 17) : Ուրեմն ով որ Յիսուսի հոգին
ունի անոր նման պիտի գործէ : Արդ-
յանուն Բրիտանոսի կը հարցունեմ քեզ,
Քրիստոսի Գործաւոր ես :

Սիրելի ընթերցող, այս հարցումը
կ'ընեմ քեզ իբրեւ բարեկամ, ուստի
ներէ ինձ : Եթէ չես Բրիտանոսի գոր-
ծաւոր, չես Բրիտանոսեայ, չես հաւա-
տարիմ ծառայ Բրիտանոսի և անոր ե-
կեղեցւոյն, չընակիր ի քեզ Բրիտանոսի
հոգին, հաղած չես Բրիտանոսի, Բրի-
տոս չապրիր քեզ, եւ քու կեանքդ
Բրիտանոսի պատուով չ'ըստուած :



38561-67

Ոչ ես, այլ Տէրը կ'ըսէ ասոնք. «Ամէն
բարի ծառ» կ'ըսէ, «բարի պտուղ
կու տայ . . . ուրեմն անոնց պտղէն
պիտի ճանչնաք զանոնք» (Մատ.
Է. 17, 20) :

Թերեւս դեռ չափահաս չես, բայց
եթէ բաւական մեծ ես զԲրիտանոս
ճանաչելու, բաւական մեծ ես նաեւ
սիրել զԲրիտանոս և ծառայել նմա : Ե-
թէ ոք շունչ չառնուր, կ'ըսենք թէ
մեռած է, վասն զի շունչ առնուն է
նշան կենդանութեան : Եթէ սէրը չը
գործեր, մեռեալ է, զի սիրոյ շունչն
է գործել : Որչափ սէր ունիս նոյնչափ
պիտի ըլլայ անոր արդիւնքը, եթէ
չատ սէր՝ նաեւ շատ արդիւնք, և այն-
պիսի արդիւնք զոր Աստուած կը պա-
հանջէ : Երբ Տէրն մեր Յիսուս երկո-
տասանամեայ էր, ըսաւ իւր սիրելի
Ծնողաց ի տաճարին . «Ձէք գիտեր
թէ պարտ է ինձ իմ Հօրս տունն (կամ
գործերուն մէջ) ըլլալ» (Ղուկ. Բ. 49) :
Անտարակոյս Յիսուս արդէն իւր Հօրը
գործին մէջ էր :

52471-4. Է.

Թերեւս ըսես. «Յիսուս Աստուած
և մարդ էր և կարող էր կատարել ինչ
որ հաճոյ թուէր նմա. բայց ես որ
փոքրիկ տղայ եմ, չեմ կարող վիճա-
բանիլ մեծ և գիտուն մարդոց հետ,
և ոչ կատարել անոր հրաշալի գոր-
ծերէն մին. արդարեւ կամաւ կը ծա-
ռայէի նմա և անոր եկեղեցւոյն, ե-
թէ ունենայի մասնաւոր տաղանդ և
չնորհք զոր իմ ծանօթներէս շատերն
ունին: Ուրախութեամբ կ'ուսանիմ ա-
նոնցմէ, բայց ուսուցանել անոնց չեմ
կարող, ի՞նչ կրնամ ընել:»

Կը խնդրեմ, ազնիւ ընթերցող, որ
ուշադրութեամբ կարդաս սա փոքրիկ
պատմութիւնը.

Մարդ մը իւր աղարակին համար
մշակ վարձելու ելաւ ի հրապարակ.
հոն գտաւ պատանի մը և հարցուց
անոր. «Ինչո՞ւ ծոյլ կը կենաս հոս օրն
ի բուն:»

Պատանին պատասխանեց. «Բանդի
ոչ որ վարձեց զիս:» Մարդն ըսաւ.
«Ուրեմն գնա և գործէ իմ աղարակիս

մէջ, և ինչ որ արժան է պիտի տրուի
քեզ:» «Բայց ես մեծ չեմ, չունիմ բա-
ւական զօրութիւն արօրը վարելու»,
պատասխանեց պատանին: «Բարի»,
ըսաւ մարդը, «բայց կարող ես վարել
ձիերը, ցանել սերմ, ժողովել քարե-
րը, և քաղել անպիտան խոտերը:»

Աստուծոյ գործերն այնպէս տար-
բեր տարբեր են, որ չկայ չափահաս
մարդ, պատանի և ոչ իսկ փոքրիկ
տղայ որոց համար յարմար գործ չըլ-
լայ ըստ հասակի և կարողութեան:

Եթէ գտած չես քեզի յարմար գործ,
պատճառն այս է որ տակաւին գտած
չես զԱստուած բոլորովին: Կը հաւա-
տաս ինչ որ կ'ըսէ Սուրբ գիրք Աստու-
ծոյ զօրութեան և խմաստութեանը
վրայ: Կը հաւատաս նաև թէ նա ստեղ-
ծած և զարդարած է զմարդիկ պէսպէս
յատկութիւններով, նախասահմանե-
լով իւրաքանչիւրին գիրքը և յատուկ
գործը: Կրնաս այսպիսի հոգեւոր ճըշ-
մարտութեանց հաւատալ, բայց և
այնպէս անարգել զԱստուած և փնա-

սեւ հոգւոյդ, եթէ չճանչնաս թէ Աստուած ընդ քեզ է ամէն ժամ և ամէն րոպէ:

«Բնաւ խօսք չկայ իմ լեզուիս վրայ,» ըսաւ Սաղմոսերգուն, «ահա, ով Տէր գուն ամենը գիտես:» Հաւատա՛ որ Յիսուս Լիմանուէլ քեզի հետ է և պատրաստ է օգնել քեզ կարօտութեան ժամանակ: Հաւատա ամենութեք Աստուծոյ և գիտցիր թէ ոչ ինչ կը վրիպի անոր սուրբ աչքէն: Յաջա Աստուծոյ մեծ կամ փոքր գործ՝ սիրոյ կապով աւելի կամ նուազ կապեալ գործեր են: Եթէ հաւատաս այս ճշմարտութեան, պիտի բացուին աչուրներդ և կարող պիտի ըլլաս քաջ ճանչնալ քու սեպհական գործդ: Յիշէ զՅիսուս ի ճաշ հրաւիրող Սիմոնը և մեղաւոր կինը: Սիմոն էր փարիսեցի և թերեւս մեծ մարդ էր իւր շրջանին մէջ, բայց աւաղ որ Յիսուսի թերի ծառան էր. մոռցաւ ջուր և ղենջակ և համբոյր մատուցանել Յիսուսի: Բայց մեղաւոր կինը, թէպէտ և

աղքատ էր, լուաց Գրիստոսի ոտքն արտասուօք և սրբեց մաղերովը, և անոր սիրոյն այս նշանը՝ շատ հաճոյ եղաւ Յիսուսի:

Սուրբ գիրքը մտադրութեամբ կարդալով պիտի տեսնես թէ մեծ մեղաւոր ես, և թէ Յիսուս մեծ Փրկիչ է որ կ'ազատէ զքեզ քու բոլոր մեղքերէդ, և կը փոխէ զքեզ անոր նմանութեանը, անստեն շատ պիտի սիրես զնա, և այս անճառելի սէրը պիտի բանայ քու հոգւոյդ աչքը, և պիտի գտնես քու յատուկ գործդ ամէն տեղ: Բայց պիտի ըսես, «Երբեք ինչ որ կ'ըսես, գիտեմ՝ նաեւ թէ աւելի յառաջ երթալով, լաւ ես պիտի ճանչնամ այս ճշմարտութիւնները, կը փափաքիմ սակայն որ ցուցնես ինձ թէ ինչպէս կրնամ աւելի գործել Յիսուսի համար այժմու վիճակիս մէջ:»

Դուն ընտանիքի մը անդամ ես. գիտցիր թէ ամէն Գրիստոնեայ ընտանիք Գրիստոսէ հաստատուած դըպրոց է. ծնողք են այն դպրոցին ուսու-

ցիւները, և գիտես թէ ուսուցիչք կարօտ են միշտ աշակերտաց ձեռնատուութեանը: Արդ դու այս աշակերտներէն մին ես, երբ կ'արթննաս առաւօտուն, առ Աստուած գահութիւն և փառաբանութիւն մատուցանելէ ետքը բարեաց համար զորս վայելցիր այն գիշեր, աղօթէ այսպէս. «Ո՛վ սիրելի Տէր իմ Յիսուս, ցուցուր ինձ այս օրուան պարտքս, ցուցուր ինձ բռնը զոր պիտի կրեմ այսօր. զօրացուր զիս որ այս օրուան հոգերս և գոփաբարութիւններս համբերութեամբ տանիմ: Հնորհէ որ ըլլամ օգնական ծընողացս, աջակից և մխիթարիչ եղբարցս և քոյրերուս, և օրհնութիւն անոնց որք շուրջ են զինն: Ո՛վ Տէր Յիսուս, տուր որ զիս ճանչցողները, երբ զիս կը յիշեն, պատճառ ունենան գովել և փառաբանել զքեզ:»

Դարձեալ այս գործին համար նուիրէ քու բոլոր զօրութիւնդ, և ինչ որ կ'ընես՝ ըրէ Քրիստոսի համար: Գիտնալով թէ Քրիստոս ներկայ է միշտ և

գիտէ քու ամէն գործդ, խօսքդ և խորհուրդդ: Հաւատա նաեւ թէ քու ամէն խօսքդ, խորհուրդդ և ըզգացումդ և գործդ զոր Յիսուսի սիրոյն և անմահ հոգւոց փրկութեանը համար կ'ընես, հաճելի է անոր և թէ հաւատարիմ ծառայ պիտի համարինա զքեզ ասոնց համար:

Թերեւս կ'ըսես՝. «Այսպիսի խրատու անսալ բարի է և օգտակար, եթէ կարենայի հաւատալ թէ գործերս հաճոյ են Աստուծոյ: Բայց, աւանդ, գործերս, խորհուրդներս, զգացումներս և խօսքերս այնչափ թերի են, որ ես իսկ չեմ հաճիր անոնց, թող թէ ամենակալն Աստուած: Արդ կը հարցընեմ քեզ, սիրելիս, անկեղծութեամբ ջանացիր կատարել գործդ հաւատարմաբար և եռանդազին, և այն ի փառս Աստուծոյ: Պիտի պատասխանես. «Այո, որչափ որ գիտեմ կարող եմ ըսել ստուգիւ թէ ջանացած եմ, բայց թերեւս բանով մը պակաս ըլլամ յանդէտս:»

Ազնիւ ընթերցող, գիտցիր որ Աստուած քեզի հետ կը վարուի իբրեւ իմացական էակի հետ: Գիտէ թէ քու բոլոր խորհուրդներդ, զգացումներդ ու գիտակցութիւնդ կրնան ըլլալ թերի, և եթէ կը զգաս թէ կ'ուզես ընել ինչ որ հաճոյ է Աստուծոյ և ինչ որ Անոր փառացը համար է, այնուհետեւ պատճառ չունիս մերժելու զգացմանդ վկայութիւնը ըսելով, «Թերեւս բանով մը պակաս ըլլամ:» Վասն զի եթէ այսպէս ըսելով կը մերժես զգացմանդ վկայութիւնը, իրաւունք կու տաս այն յանդուգն անձանց որ կ'ըսեն. «Ո՞վ կրնայ գիտնալ թէ ինչ գործ հաճոյ է Աստուծոյ:»

Արդ, դարձեալ դառնանք մեր խնդրոյն թէ, եթէ ոք անկեղծութեամբ կը ջանայ հաւատարմաբար կատարել իւր պարտիքն առ Աստուած, այսպիսի հնազանդութիւն մը թէև թերի ըլլայ, հաճոյ է Աստուծոյ: Զոր օրինակ, եթէ Տէրոջը տունը երթաս երկրպագութիւն մատուցանելու

Աստուծոյ և հոգեւոր հրահանգ ընդունելու, հաճոյ է Աստուծոյ. նոյնպէս եթէ ջանաս հոգեւոր ազդեցութիւն բանեցունել բարեկամացդ վրայ, հրաւիրել զանոնք Յիսուսի փրկաւէտ Աւետարանին, եթէ այս նպատակաւ տաս անոնց Սուրբ գիրք, օգտակար տետրակ և ասոնց նման ինչ ինչ գործեր ընես, հաճոյ է Աստուծոյ: Նաև ջանալ նուաճել լեզուդ, ապրիլ ժուժկալութեամբ, մաքրել խորհուրդներդ, ուղղել զգացումներդ և նախապաշարումներդ, այլովքն հանդերձ, և ըստուգիւ բերելու համար զմարդիկ առ Քրիստոս, արդարեւ հաճոյ և ընդունելի է Աստուծոյ: Ահա առաքելոյն պատուէրը. «Մեզմէ ամէն մէկը շինութեան համար իր ընկերին հաճոյ ըլլայ բարի բաներու մէջ.» Հռովմ. ԺԵ. 2): Պատուէր մը զոր եթէ չարունակ կատարէ ոք, կը գտնէ յարմար և վայելուչ գործ իւր բոլոր կենաց մէջ:

Այս պատուէրը կատարել թերեւ

հակառակի երբեմն քու ճաշակիդ, և պահանջէ մեծ ջանք և զոհողութիւն, բայց կրնաս զօրանալ և քաջալերուիլ, եթէ խորհիս թէ քու գլխաւոր փափաքդ է նմանել Քրիստոսի, որ «ոչ թէ իր անձին հաճոյ եղաւ»:

Ամէն առթի մէջ ընկերներուդ և ծանօթներուդ բարիք ընելու ջանալով կ'ունենաս անոնց վրայ Քրիստոնէականել ազդեցութիւն, և այս մեծապէս կը նպաստէ զանոնք բերելու Քրիստոսի: Գրուած է. «Բոլոր օրէնքը այս մէկ խօսքին մէջ կը կատարուի թէ Քու ընկերդ սիրես քու անձիդ պէս» (Գաղ. Ե. 14): Եթէ ունիս փափաք կատարելու այս պատուէրը, առիթ կ'ըլլայ քեզ յիշելու նաև սա պատուէրը, «Խրաբու նեղութիւնները կրեցէք, ու անանկ Քրիստոսի օրէնքը կատարեցէք» (Գաղ. 2): Արդարև այն որ կը կրէ իւր ընկերին նեղութիւնները, կը ցուցնէ թէ ունի այն սէրը որ կը պահանջուի:

Աղնիւ բարեկամ, իբրև որդի Աս-

տուծոյ և հաւատարիմ ծառայ Քրիստոսի ջանալ քալել քու բարձր կոչմանդ համեմատ, մեծ և տեւական դործ մը պիտի ըլլայ բոլոր կենացդ մէջ: Պօղոս առաքեալ Եփեսացոյ թղթոյն մէջ կ'ըսէ. «Արդ Աստուծոյ նմանող եղիք սիրելի զաւակներու պէս և սիրով վարուեցէք, ինչպէս որ Քրիստոս ալ մեզ սիրեց, ու իր անձը մեզի համար մատնեց անուշահոտ պատարագ ու զոհ ըլլալու Աստուծոյ» (Եփես. Ե. 1, 2): Եթէ այս Աստուածային հրամանը ջանաս ի գործ դնել, փորձով պիտի գիտնաս թէ ինչ է այն երկնային պատուէրը զոր Պօղոս կուտայ Կորնթացոյ. «Թէ ուտէք, թէ խմէք և թէ ինչ գործ որ ընէք ամէն բան Աստուծոյ փառքին համար ըրէք» (Ա. Կորնթ. Ժ. 31):

Իբ ճանչնամ Քրիստոնեայ մը հասարակ գպրոցի մէջ միայն կրթուած, որ քրտամբ երեսաց կը հայթայթէ իւր հանապաղորդ պէտքը, բայց և այնպէս ջերմ սիրովը զոր ունի առ Քրիս-

տոս՝ այն ծանր աշխատութեան մէջ անգամ կը դռնէ պատեհութիւն ծառայելու Տէրովը: Այս աղնիւ Քրիստոնեան սովոր է խօսիլ ամէն օր մարդոց անոնց հոգեւոր վիճակին և Յիսուսի անճառելի սիրոյն վրայ: Զոր օրինակ, երբ կը հանգիստի բարեկամի մը, հարցունելէն ետքը անոր որպիսութիւնն ըստ սովորութեան, կ'ըսէ, «Եղբայր, աղօթասէր ես»: Եթէ ճամբան հանգիստի ուրիշի մը որ կը փնտռէ այս ինչ կամ այն ինչ փողոցը, կ'առաջնորդէ անոր, և այս առթիւ կը հարցունէ, «Եղբայր, դո՞ւք ես Քրիստոսի ճամբան»: Եւ եթէ պատասխան ընդունի թէ «Ոչ», կը ցուցնէ անոր թէ ինչ է Քրիստոսի ճամբան:

Այս Քրիստոսասէր անձը օր մը կը խօսէր բարեկամի մը անոր անմահ հոգւոյն վրայ. մարդը շատ օգտելով այս խօսակցութենէն, ըսաւ անոր, «Ենորհակալ եմ քեզ, սիրելի եղբայր, առաջին մարդը եղար որ այսպիսի խօսակցութիւն մը ըրիր ինձի հետ»:

Հռչակաւոր դատաւոր մը անգամ մը իւր Քրիստոնեայ բարեկամներէն միոյն ըսաւ. «Ձաւակներու ծնանելէն հետէ, ջանացած եմ անոնց վրայ քրիստոնէական ազդեցութիւն բանեցունել, բայց ահա դուն վեց շաբթուան մէջ քան զիս աւելի ազդեցութիւն բանեցուցիր զաւակներու վրայ, արդէ՞ աղաչեմ ըսէ ինձի ի՞նչ է ասոր գաղտնիքը»: «Ոչ այլ ինչ է», ըսաւ միւսը, «եթէ ոչ Յիսուսի սէրը. այս սիրոյն վրայ բան մը գիտե՞ս»: Դատաւորը խոստովանեցաւ թէ այն սիրոյն վրայ բան չէր գիտէր: Արդարեւ գիտէր բազում ինչ. ունէր մեծ ազդեցութիւն քաղաքական խնդրոց մէջ, բայց, աւանդ, զուրկ էր այն ճշմարիտ գիտութենէն, տգէտ էր բոլորովին Յիսուսի անճառելի սիրոյն, անձանօթ էր անոր այն զօրութիւնը որ յառաջ կու գայ այն սէրէն զոր մարդիկ ունին Քրիստոսի վրայ: Եւ ահա այս էր պատճառն որ նա ազդեցութիւն չունէր իւր զաւակաց վրայ:

Սիրելի ընթերցող, եթէ ունիս այս սքանչելի սիրոյ կայծը քու հոգւոյդ մէջ, պատրաստ գործ պիտի գտնես քեզ ամէն տեղ: Երբ մարդ մը հարցուց Քրիստոսի հռչակաւոր պաշտօնէին, Ամերիկացի Լայմէն Պիչքրի, «Ինձի համար քարոզչութեան տեղ մը կայ», «Տե՛ղ» ըսաւ Լայմէն Պիչքրի, «ամէն տեղ քարոզչութեան տեղ է»: Այսինքն ըսել ուզեց, «եթէ կամք ունիս գործելու, ամէն տեղ գործ կայ»: Յիսուսի սիրովը բորբոքեալ սրտի մը առջև բոլոր աշխարհ գործելու տեղ է, և ով որ ունի այսպիսի սիրտ, ամէն տեղ կը գտնէ պատեհութիւն գործելու: Եռանդուն սէրը, կէս օրուան արեգական պէս, կը թափանցէ մթագոյն և տիրազոյն տեղեր, և կը գըտնէ գործ. բայց ով որ զուրկ է այս սիրոյ կայծէն՝ ո և իցէ տեղ չգտնէր գործ:

Ամէն գիրք զոր կը կարդաս՝ կրնայ օգնել քեզ Յիսուսի գործին մէջ. ըսել չեմ ուզեր թէ կրնանք մեր գիրքեր

միայն կարդաս: Գիտութեան ամէն ճիւղին մէջ կրնաս գտնել Քրիստոսի գործին նպաստող բան: Աստուծոյ բնական գործերը լի են հոգեւոր հըրահանգօք, որ այնչափ շատ են, որչափ պատուական քարեր հանքերու մէջ. ուրիշ բան պէտք չէ բայց աշխատիլ զանոնք հանելու:

Սիրելի ընթերցող, այս տես-րակը մէկդի դնելէ առաջ խորհէ, հարցուր խղճիդ, և խիղճդ թող պատասխանէ. Յիսուսի համար կը գործե՞ս. կեանքդ նուիրած ես անոր որ սիրեց դքեղ անհուն սիրով: Եթէ նուիրած չես կեանքդ, նուիրէ իսկոյն. եթէ նուիրած ես, նորոգէ ուխտդ: Թող քու նշանաբանդ ըլլայ օգտակար ըլլալ աշխարհի: «Նախանձաւոր եղիք այն շնորհքներուն որ լաւագոյն են» (Ս. Կորնթ. ԺԲ. 31):

Բայց պիտի ըսես, «Ի՞նչպէս գիտնամ թէ որո՞նք են լաւագոյն շնորհք»։ Ասոր պատասխանը կը գտնես Յիսուսի սքանչելի և անշուգական կենաց մէջ:



Ա. Ջ

20

Անոր անձնուրաց պաշտօնեան Պօլոս
այսպէս կ'ըսէ առ Եփեսացիս. «Ամէն
բան ցուցուցի, թէ ասանկ պէտք է
աշխատիլ և տկարներուն օգնութիւն
ընել և միտք բերել Տեառն Յիսուսի
խօսքը զոր ինքը ըսաւ, «Երանելի է
տալիս քան առնուլն»»

Այն որ «Գրիստոս հազած է» եր-
բէք չդանդաղիր, այլ կը կենայ ան-
յողդողդ կենաց բոլոր պարագանե-
րուն մէջ իբրև եռանդուն գործաւոր
Տեառն մերոյ Յիսուսի Գրիստոսի:



Հ. Ք

<< Ազգային գրադարան



NL0028677



